

Die bees Fraa

Es is halt so -hört mer oft sage
un mancher junge Ehemann dut sich beklage
un wer is schuld an manchem Streit
e scheenes, schlankes ,geschminktes Weib.
Mer sieht nix wie Schmink un Farb un „Bapp“
wann se lacht fällt alles ab.
An Sonntagsgeld ibraucht er net zu denke
weils des „Püppche“ dut fer sich verwende.
Fer Lippestift un Haarpomad
Veilcheduft un Schockolad.
Kölnisch-Wasser zum onduliere
neie BH um die Figur zu studiere.
Un als moderni Fraa do möcht ich wette,
braucht se a Geld fer Zigarette.
Doch es gibt net nur hübsche, scheene
es gibt auch dumme, freche, kleene.
Bei dene kleene gibts oft schier
de größte Krach wege em Glas Bier.
Er do aber net lang fackelt
die „Madam „ mol fescht am Krage wackelt.
Er haagt uff de Tisch, das grad so bumt
sie dann greint un kee Wort mer brummt.
Jetzt bei denne scheene gehts net gut
do fehlt dem junge Mann de Mut.
In „Alte“ kann ihn oft belehre
un uff sei Herz es ihm beschwöre.
E jungi Fraa so schee un eitel
leert ihm im Handumdrehe de Beitel
er kann dann schufte Tag un Nacht
sei „Goldstück“ beim Kaffeekränzel sitzt un lacht.
So mancher noch als Junggsell kreischt
bei mir geht des emol net so leicht.
Er reißt dann uff soi große Schnut
Doch jetzt hott er im Bauch e Wut.
Jetzt hilft kee jammere un klage
weil du des schwere Kreiz muscht trage.
Des Kreiz wer noch net emol so schwer
wann sei bösi Fraa net wer
Es hat gedrechelt diesen Reim
August Oberbeck, Rödersheim